

Eddy.....un cantante!

E Diasabramainta ey, ora mi señora cu e "DIARIO" den su mannan tembloroso a participa mi Eddy su morto.... Pa un momento mi a keda paralisa!. Despues poco-poco imaginan di nos tempo como estudiante ta aparece den mi mente. Un tras di otro.

Pa casi cuatro aña (1951 - '55) nos a biba den e mesun "kosthuis" y a bay e mesun school. E tempo ey contacto cu Aruba tabata masha poco. Nos contacto regular



Mientras cu nos tabata studia Louis Armstrong tabata conta y toca den background. Straño tabata cu su pieza preferi tabata "un entierro" canta y toca pa Louis Armstrong. Na caminda pa school nos no tabata



tabata cada 2 a 3 siman un carta for di cas.

Momentonan di alegria tabata p.e. ora Eddy haya



for di cas un disco. E disco di "Bula Waya" canta pa Edwin Zichem y na e otro banda e wals "Vivian" di Padu nos a toca te bore.

Mi tabata testigo di su promer lesnan di piano. Pero promer cu esey Eddy su voz tabata rezona den e



fiestanan familiar y den e cafenan di e pueblecito. Unda cu e tabata, na final di cuenta, Eddy mester a canta.

Su cancion preferi di e tempo ey tabata "Too Young" y den tempo di pasco naturalmente "White

papia mes.

Recuerdonan inolvidable ta cu mientras sneeuw tabata cay Eddy tabata conta y cu su mannan e tabata toca e accoordinan den aire.

Despues cu nos a bolbe Aruba Eddy a sigui den su mundo di musica y ami a drenta arena politica.

Nos contacto no tabata contacto di tur dia mas pero e contacto tabata ey semper si. Nos a keda bishita otro.

Den calor di campaña, mi ta yama Eddy. Mi mester di un jingle pura-pura. Pa su mañan eta yama mi "Jingle ta cla y awe merdia nos ta grabe". Pa esun jingle ey di un minuut ma mira Eddy haci hopi molester, pero nada no tabata di mas pe.

Pa mi Eddy tabata un trahador silencioso e incansable. Nos tabata manera ruman.

Eddy, bo a bay laga nos "too young". Nos pueblo lo no lubida bo. Ni tampoco e pueblecito unda cu bo voz a rezona como estudiante-cantante.

Domi Tromp.

ADIOS EDDY BENNETT TE DESPUES....

ORANJESTAD (AAN)- Tur loque pueblo di Aruba por a rindi pa yama e gran Maestro Musical Eddy Bennett danki pa tur loque el a haci pa Aruba y pa e Tesoro Musical cu el a laga pa generalnan cu lo sigui, alavez bisa Eddy, adios te despues. Aruba a perde un gran amigo, un persona cu semper lo keda recorda. Un enorme cantidad di familia, Gobernantenan, Senadornan, amigo, ex maestronan di school, musiconan y conocirnan a rindi un gran tributo na e gran maestro Eddy Bennett. Un ceremonia musical funeral hopi bon prepera a ser duna na Eddy. Adios Eddy, te despues, bo a bay sosega, pero bo a laga bo familia y un bunita tesoro musical atras cu lo keda conserva.

